



Republika e Kosovës
Republika Kosovo - Republic of Kosovo
Kuvendi - Skupština - Assembly

Ligji Nr. 04/L-117

PËR TAKSËN RRUGORE DHE EKOLOGJIKE TË AUTOMJETEVE

Kuvendi i Republikës së Kosovës;

Në bazë të nenit 65 (1) të Kushtetutës së Republikës së Kosovës,

Miraton

LIGJ PËR TAKSËN RRUGORE DHE EKOLOGJIKE TË AUTOMJETEVE

Neni 1
Qëllimi

- 1.Me këtë ligj rregullohet taksa rrugore për automjete të regjistruara në Republikën e Kosovës.
- 2.Me këtë ligj gjithashtu rregullohet edhe vendosja e taksës ekologjike për automjetet regjistruara në Kosovë dhe për automjetet e huaja. Taksa ekologjike ka për qëllim ngritjen e cilësisë së mbrojtjes së ambientit

Neni 2
Përkufizimet

1. Shprehjet e përdorura në këtë ligj kanë këto kuptime:

- 1.1. **Person përgjegjës** - personi, në emrin e të cilit është regjistruar automjeti apo në emrin e të cilit automjeti kërkohet të regjistrohet sipas Ligjit Nr. 02./L- 70 Për sigurinë në komunikacionin rrugorë.

1.2. **Automjet i regjistruar** - cilido automjet, i cili është i regjistruar nga organi kompetente i Ministrisë së Punëve të Brendshme (më tutje në tekst MPB) sipas ligjit Nr. 02./L- 70 Për sigurinë në komunikacionin rrugorë.

1.3. **Rrugë të Kosovës** - cilado rrugë, shteg apo vend parkim në Kosovë; të cilin mund ta shfrytëzojnë qytetarët.

1.4. **Automjet** - mjeti me fuqi motorike, (duke përfshirë veturat, kombibusët, automjetet për shërbime komunale, minibusët, autobusët, kamionët, traktorët dhe rimorkiot, por që nuk përfshijnë automjetet e lira nga taksa të cekura në shtojcën A, i cili lëviz në rrugë me përjashtim të mjeteve të cilat lëvizin mbi binarë.

1.5. **Automjet i huaj** - të gjitha automjetet e regjistruara jashtë territorit të Kosovës.

Neni 3

Taksa rrugore për automjete

1. Një taksë vjetore rrugore për automjete vihet për të gjitha automjetet e regjistruara në Republikën e Kosovës.

2. Shuma e taksës që vihet në përputhje me paragrafin 1. të këtij neni është përcaktuar në shtojcën B të këtij ligji.

Neni 4

Taksa ekologjike

1 Një taksë vjetore ekologjike vihet për të gjitha automjetet e regjistruara në Republikën e Kosovës dhe ato që hyjnë në territorin e Republikës së Kosovës.

2. Shuma e taksës që vihet në përputhje me paragrafin 1. të këtij neni është përcaktuar në Shtojcën C të këtij ligji.

Neni 5

Inkasimi i Taksës rrugore dhe Ekologjike për veturat e regjistruar në Kosovë

Taksa rrugore dhe ekologjike për automjetet vendore inkasohet nga Qendra për Regjistrimin e Automjeteve e Ministrisë së Punëve të Brendshme të Qeverisë së Republikës së Kosovës me rastin e regjistrimit vjetor të automjetit dhe derdhet në Buxhetin e Republikës së Kosovës.

Neni 6

Inkasimi i Taksës Ekologjike për Veturat e huaja

1. Taksa ekologjike për veturat e huaja që hyjnë në territorin e Republikës së Kosovës, inkasohet me rastin e kalimit të automjetit në kufijtë shtetëror të Republikës së Kosovës, apo në ndonjë moment tjetër kohor të përcaktuar nga Ministri i Financave përmes akteve nënligjore, dhe derdhet drejtpërdrejtë në Buxhetin e Republikës Kosovës.
2. Ministri i Financave mund të delegojë kompetencën e inkasimit të taksës ekologjike përmes marrëveshjes.

Neni 7

Dëshmia e Pagesës dhe Kontrolli

1. Pagesa e taksës rrugore dhe ekologjike dëshmohet me nga një vërtetim standard të pagesës të lëshuara nga njësia për regjistrimin e automjeteve, apo autoriteti përgjegjës. Ky vërtetim përmban datat e lëshimit dhe të skadimit të tij, si dhe numrin e regjistrimit të tabelave të automjetit.
2. Vërtetimet vendosen në këndin e poshtëm të djathtë të xhamit të përparmë të automjetit.
3. Drejtuesi apo, nëse automjeti nuk drejtohet nga personi përgjegjës, i cilit do automjet të regjistruar në Republikën e Kosovës ose automjetet huaja që hyjnë në Republikën e Kosovës, e të cilat gjenden në rrugët e Kosovës, dhe i cili nuk e tregon vërtetimin e vlefshëm ashtu siç parashihet në paragrafin 2. të këtij neni, do ti nënshtrohen një gjobe administrative në shumë prej njëqind (100) Euro.
4. Drejtuesi apo, nëse automjeti nuk drejtohet nga personi përgjegjës, i cilit do automjet të regjistruar ose i cili kërkohet të regjistrohet, që gjendet në rrugët e Kosovës, dhe i cili nuk dëshmon lëshuarjen e vërtetimit të vlefshëm në pajtim me paragrafin 1. të këtij neni, do ti nënshtrohen një gjobe administrative në shumë prej pesqind (500) Euro.
5. Gjoba administrative sipas paragrafëve 3. dhe 4 të këtij neni. mund të shqiptohet nga Policia e Kosovës, Policia Kufitare e Kosovës apo nga Doganat e Kosovës.

Neni 8

Lirimet nga Taksat

Automjetet në listën e shtojcës A lirohen nga pagesa e taksës.

Neni 9

Zbatimi

Ministri i Ministrisë së Financave mund të lëshoj akt nënligjor për zbatimin e këtij ligji.

Neni 10
Ligji në Fuqi

Ky ligj shfuqizon Rregulloren e UNMIK-ut Nr. 2005/14 të datës 16 mars, 2005, për Taksën Rrugore të Automjeteve.

Neni 11
Hyrja në Fuqi

Ky ligj hyn në fuqi pesëmbëdhjete (15) ditë pas publikimit në Gazetën Zyrtare të Republikës së Kosovës.

Ligji Nr. 04/L-117
6 shtator 2012

Kryetari i Kuvendit të Republikës së Kosovës,

Jakup KRASNIQI



Republika e Kosovës
Republika Kosovo - Republic of Kosovo
Kuvendi - Skupština - Assembly

Ligji Nr. 04/L-117

PËR TAKSËN RRUGORE DHE EKOLOGJIKE TË AUTOMJETEVE

SHTOJCA A

AUTOMJETET E LIRUARA NGA TAKSA

1. Traktori bujqësor, nëse është traktor i dizajnuar dhe i prodhuar vetëm për qëllime bujqësore, hortikulture, pylltarie dhe të prerjes së thuprave, të shkurreve dhe të drunjëve.
2. Automjeti i lehtë bujqësor, nëse:
 - 2.1. peshon, pa karburant dhe vaj, më pak se një mijë (1000) kilogramë;
 - 2.2. është i dizajnuar dhe i prodhuar për të zënë vetëm një drejtues; dhe
 - 2.3. është i dizajnuar dhe i prodhuar vetëm për qëllime përkitazi me bujqësinë, hortikulturën dhe pylltarinë.
3. Makina për kositje.
4. Makina për pastrimin e borës.
5. Makina për hedhje, nëse është e prodhuar dhe e përshtatur vetëm për makinerinë e hedhjes së materialeve në rrugët e ngrira dhe rrugët me akull a me borë (me artikujt apo materialet e përdorura për qëllime të makinerisë apo pa to).
6. Vinçi lëvizës, nëse është i dizajnuar dhe i prodhuar vetëm si vinç lëvizës.
7. Makina mihëse, nëse është e dizajnuar dhe e prodhuar për qëllim të mihjes së kanaleve apo të cilësdo pune të gropimit a të heqjes me lopatë.

8. Automjeti për ndërtimin e rrugëve, nëse është i prodhuar ose i përshtatur për përdorim më të lehtë të makinerisë së montuar për ndërtimin e rrugëve (me artikujt apo materialet e përdorura për qëllime të makinerisë apo pa to). Në këtë paragraf “makineria e montuar për ndërtimin e rrugëve”, lidhur me automjetin, do të thotë makineria për ndërtimin e rrugëve e montuar si pjesë e automjetit apo e fiksuar në mënyrë të përhershme për automjetin dhe “makineria për ndërtimin e rrugëve” do të thotë makina apo mjeti i përshtatshëm për ndërtimin e apo riparimin e rrugëve.

9. Makina për rrafshimin e rrugës.

10. Motoçikleta.



Republika e Kosovës
Republika Kosovo - Republic of Kosovo
Kuvendi - Skupština - Assembly

Ligji Nr. 04/L-117

PËR TAKSËN RRUGORE DHE EKOLOGJIKE TË AUTOMJETEVE

SHTOJCA B

SHUMA E TAKSËS RRUGORE

Pesha e automjetit	Taksa vjetore
Nën 3.5 t	40 euro
3.5 t dhe mbi 3.5 t	90 euro



Republika e Kosovës
Republika Kosovo - Republic of Kosovo
Kuvendi - Skupština - Assembly

Ligji Nr. 04/L-117

PËR TAKSËN RRUGORE DHE EKOLOGJIKE TË AUTOMJETEVE

SHTOJCA C

SHUMA E TAKSËS EKOLOGJIKE

Pesha e automjetit	Taksa vjetore
Nën 3.5t	10 euro
3.5t dhe mbi 3.5t	30 euro